



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Opvs De Iudiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos &  
Festos, ab ipso Auctore confectus

**Stengel, Georg**

**Ingolstadii, 1651**

8. Quinam periculorum contemptores vituperandi sint, vel laudandi?

**urn:nbn:de:hbz:466:1-45701**

fit, quòd lapis cadens pileum de capite eius abstrulerit, ipso illa-  
fo. Trajecti irruentes in se leones, ad quos ultro intrauit,  
in fugam coniecit. Aliquando, per jugum montis præalti equi-  
tans, territo equo, propè in subjectam vallem præcipitatus, ipso  
nescijt, cuius manu fuerit sustentatus. Nondum finij. eiusmodi  
72. casus illi acciderunt, quos idem Author summatim recenset,  
ego breuitatis studio, lectorem ad illum remitto. Mihi enume-  
rati sufficiunt, ad ostendenda pericula, quibus vel ipse se objecit  
Imperator, vel quæ se Imperatori objecerunt.

Ex his omnibus illud doceri potest, culpam non Numini,  
sed Imperatori fuisse dandam, si quid incommodi illi accidisset.  
*Qui amat periculum, in illo peribit*, vel dignus certè est perire. Ecclesi. 3. 27.  
*Nemo se tutò*

VIII.

*Periculis offerre tam crebrò potest,  
Quem sæpe transit casus, aliquando inuenit.*

Senec. in  
Hercule  
furente.

Et citiùs inuenitur periculum, cùm contemnitur. Itaque vitan-  
da, non amanda sunt pericula, quando nulla vel fidei Christianæ  
profitendæ, vel patriæ defendendæ, vel alterius emolumenti ne-  
cessitas id suadet. Quamquam multi, sine his causis, se se discrimi-  
nini sæpe obijciunt, quos curiositas ducit, aut allicit voluptas.  
vel certè exigua inuitat vtilitas. Sed quæ summa D E I bonitas  
est, ita finit nonnumquam etiam istos homines periclitari, vt  
eis quoque ipsis velit auxiliari, ostendit enim & potentiam, &  
prouidentiam suam, qua mortales tuetur, & allicit ad opem di-  
uinam, in necessitatibus implorandam. Quod tamen in Sanctis  
potissimùm facit, qui amore illius, mille se periculis ipsos obij-  
ciunt. Iam incipiebat mergi Petrus, super aquas ambulans, cla-  
mauit dicens: *Domine, saluum me fac.* Et continuo IESVS extendens  
manum, apprehendit eum. Bono zelo, & non, nisi potestate ob-  
tenta, se coniecerat in mare Apostolus, sed cùm animo tituba-  
ret, & cui se discrimini credidisset, humanis rationibus exami-  
nare inciperet, coepit mergi. Inde excitatus ad sacram ancoram,  
ad Saluatorem IESVM confugit, & erectus est. Hac spe etiam se  
sustentauit Paulus, & ad Corinthios scripsit: *Non enim volumus* 2. Cor. 1. 8.  
*vos ignorare, fratres, de tribulatione nostra, quæ facta est in Asia,  
quoniam supra modum grauati sumus, supra virtutem, ita vt taderet*  
nos

Matth. 14.  
30.



206 Cap. XXI. Sept. morb. causa. piculis sc exponentiã temeritas,  
nos etiam vivere. Sed ipsi, in nobismetipsis responsum mortis habuimus  
ut non simus fidentes in nobis, sed in DEO, qui suscitatur mortuos: qui  
de tantis periculis nos eripuit, & eruit: in quem speramus, quoniam  
& adhuc eripiet, adjuvantibus & vobis in oratione pro nobis. Hac fi-  
ducia & spe insuper retributionis armatus alibi dixit: *Vt quid*  
*nos periclitamur omni hora? quotidie morior, seu mortis periculis,*  
*pro Euangelio & Gentium conuersione, me expono. Qualibus*  
*periculis? supra iam attigi, & ipse recensuit. Ter virgis casus sum,*  
*semel lapidatus sum, ter naufragium feci, nocte & die in profundo ma-*  
*ris fui: in itineribus saepe, periculis fluminum, periculis latronum, peri-*  
*culis ex genere, periculis ex gentibus, periculis in ciuitate, periculis in*  
*solitudine, periculis in mari, periculis in falsis fratribus, &c. Et ex*  
*his omnibus eripuit eum Dominus. Magua hinc fiducia Sanctis*  
*accedit, vt non timeant, si vel mille aduersus eos castra consur-*  
*gant. Quid ni pugnet pro eis DEVS, si ipsi pro DEO pugnant?*

IX.

Quae fiducia tanto fit auctior, quanto quisque dignior est,  
vt ei succurratur. Si enim non meritis, si non Christi, sed mundi  
caussa, si causa curiositatis, vel oblectationis, pericula aduenti-  
bus adest DEVS tam frequenter, vt in periculis protegat, cur non  
adesset seruis suis? Mirati sunt autem dudum plures, in valde  
incipiti casu, DEVM mortalibus, omnia alia, quam DEI negotia  
agentibus adesse. Sed animaduertunt nonnulli Scriptores,  
praecipue Reges, Principes, magnosque viros, in praesentissimis  
periculis, & insidijs, DEVM custodem habere singularem. Quod  
etsi exemplo Maximiliani II. Imperatoris, paulo prius docuimus,  
libet tamen etiam pauca alia addere. De Tito Vespasiani filio,  
evidenti se se periculo exponente, cum, ante obsidionem vrbis  
Hierosolymitanæ, situm ciuitatis exploraret, refert Iosephus,  
eum in insidias Iudæorum incidisse, additque: *Quo quidem tem-*  
*pore maxime intelligi potuit, & belli momenta, & Imperatorum peri-*  
*cula DEVM curare. Tot enim aduersus Titum missilibus iactis, cum*  
*neq; galea, neq; thorace septus esset (non bellator enim, sed explorator*  
*acceserat) nullum in eius corpus delatum est; sed tamquam, ne eum*  
*ferrent, ex industria mitterentur, omnia prateruolabant; gladio vero*  
*semper è lateribus instantes dirimens, multosq; ante ora subuertens,*  
*super cadentes agebat equum. Illo tempore autem clamor erat, propter*  
*audaciam*

Ioseph. de  
bello Iudai-  
co lib. 6. c. 2.